

Tuluttut A - 2022

1. Ilinniartitsissutip inissisimanera

Tuluttoorneq piginnaasassanik ilinniartitsissutaavoq, ilisimasassanik ilinniartitsissutaavoq kulturikkut ilinniartitsissutaavoq attaveqartarnermillu ilinniartitsissutaalluni, tassanilu najukkami nunarsuarmullu isiginnilluni oqaatsinik, kultureqarnermik inuiaqatigiinnilu pissutsinik suliaqarfifulluni. Ilinniartitsisummi aallaaviuoq allannermik paasinneriaaseq annertusisaq, ilaatinneqarlutilu tuluit oqaasiinik oqalulluni allalluni atuineq aamma ilinniartitsissutip sammisai pillugit teoretiskimik ilisimasqaqrneq.

1.2 Ilinniartitsisummi siunertat

Ilisimasat piginnaasallu

Ilinniartut tuluit oqaasiinik imatut ilisimasaqtigissapput oqaatsinillu imatut piginnaasaqtigissallutik tuluttut allattarissatigut oqaluttarissatigullu ajornaquteqanngitsumik attaveqarsinnaassallutik. Ilinniartut tassunga atatillugu Tuluit Nunaanni, Amerikami sumiiffinnilu tuluttut oqaaseqarfiusuni allani inuiaqatigiinni pissutsit kulturillu pillugit ilisimasaqassallutik.

Ilikkagaqartarnermi sulinermilu piginnaasat

Ilinniartut oqaatsinik ilikkagaqartarnermi periusissiat naleqquttut atorsinnaassavaat aammalu ilinniartitsisummi suliassat assigiinngitsut suliarisinnaassallugit, taamaalillutik oqaatsitigut kulturikkullu ilisimasatik, oqaatsit pillugit paasinnittarnertik taamaalillutilu ilinniagaqarnermi piginnaasatik tamanut tunngasut ineriertortissallugit.

Inuttut inuillu akornanni attaveqaqatigiittarnermi piginnaasat

Ilinniartut tuluit oqaasiinik inuttut inuillu akornanni attaveqaqatigiittarnermi atuisinnaassapput, aammalu oqaatsit atorneranni qisuarialeqarsinnaassallutik ilaatigut taamaalillutik namminneq kinaassutsiminnik paasinnittarnertik ineriertortissallugu.

Kulturikkut inuiaqatigiillu akornanni piginnaasat

Kulturit akornanni attaveqartarnermi tuluit oqaasii ilinniartut atorsinnaassavaat, ilaatigut taamaalillutik namminneq kulturikkut tunngavimminnik paasinnittarnertik ineriertortissallugu. Ilinniartut ilinniartsisummi ilisimasatik Kalaallit Nunaanni pissutsinut sanilliussinnaassavaat aammalu nunarsuarmi qanilliartorfiusumi paasisassarsiornermi iliuuseqartarnermilu oqaatsit atorsinnaassallugit.

3. Ilikkagassatut anguniakkat imarisala

3.1. Ilikkagassatut anguniakkat

Ilinniartut ukuninnga piginnaasaqassapput:

Oqaatsinik piginnaasaqarneq:

- a) nunat immikkoortuinit assigiinngitsut sammisat nalinginnaasut suliamullu tunngasut assigiinngitsunillu ilusillit pillugit tuluttut nalunakannersunik oqaluttarissatigut allattarissatigullu paasinnissinnaassallutik,
- b) oqaatsnik piginnaasat allanngorartumik atorsinnaassallugit, tassanilu sammisat nalinginnaasut sulianullu tunngasut pillugit oqaloqatigiinnermi oqallinnermilu ajornartorsiuteqaratik peqataasinnaassallutik,
- c) attaveqarnermi inisisimaneq paasillugu suliani pissutsit ajornakusoortut pillugit tuluttut oqallorilluni eqqortumillu aaqqissuulluakkamik takisumik oqaluttarissatigut allattarissatigullu saqqummiisinnaassallutik,

Oqaatsit, allatat kulturilu

- d) tuluttut oqaasertat assigiinngiiaartut imarisaannik, isummanik oqaatsinillu atuinerit assigiinngissutaannik nassuaasinnaassallutik,
- e) ilinniartitsissummi oqaatsit atorneqartartut atorlugit sammisat nalinginnaasut suliamullu tunngasut pillugit oqaasertanik nutaanik pisqaaernillu assigiinngitsunik nalilersuisinnaallutik nassuaasinnaallutilu,
- f) inuiaqatigiinnut, kultureqarnermut, oqaluttuarisaanermut sulianilu tunngasunut tunngatillugu oqaasertat ataasiakkaat attuumassuteqartilersinnaassallugit,
- g) kusanartuliorneq tunngavigalugu oqariaatsit assigiinngitsut qisuariarfingisinnaassallugit,
- h) maannakkut oqaluttuarisaanermilu pissutsit nalilersornissaannut attuumassuteqartilernissaannullu Tuluit Nunaanni, USA-mi sumiiffinnilu allani tuluttut oqaluffiusuni oqaluttuarisaanikkut, kultureqarnikkut inuiaqatigiinnilu pissutsit pillugit tunngaviusumik ilisimasat atorsinnaassallugit,
- i) oqaatsnik nalilersuinermi, oqaasertanik paasinninnermi ingerlatitseqqiisarnermilu atugassanik tuluit oqaasiisa sannai oqaasilerinerlu pillugit tunngaviusumik ilisimasat atorsinnaassallugit aamma
- j) tuluit oqaasiinik ilinniakkanik annertunerusunik paasiniaasinnaassallutik aammalu atortorissaarutit, quppersakkat paassisutissanillu pissarsivissat naleqquttut atorsinnaassallugit.

3.2. Ilinniartitsissutip imarisai pingarnerit

Ilinniartitsissutip imarisai pingarnerit tassaapput:

- a) tuluit oqaasiini oqaasilerineq, tassunga ilanngullugit oqaaseqatigiilerineq, taaguineq, allattaatsit naqinnerillu,
- b) oqaatsit atorsinnaasat, oqaatsnik pilersitsineq aamma oqariaatsit assersummik imallit
- c) oqaasertaliortarneq oqaasertaliallu imminnut atanerat,
- d) nalinginnaasunut sulianullu atatillugu attaveqaqatigeeriaatsit attaveqaqatigiittarnernilu periusissiat,
- e) oqaasertat isummaasa imarisaannik nalilersuineq,
- f) piffissani assigiinngitsuni atuakkiat oqaasertai assigiinngiiaartut amerlasuut,

- g) atuakkiat atuakkiaanngitsullu nutaarerit oqaasertai assigiinngiaartut amerlasuut,
- h) Tuluut Nunaanni USA-milu oqaluttuarisaanermi, kulturikkut inuiaqatigiinnilu pissutsit pingaaruteqartut aamma
- i) nunarsuarmi tuluttut oqaluffiusuni oqaluttuarisaanermi maannakkullu pissutsit.

Ilinniartitsissutip imarisai pingarnerit tassaapput tuluttut allat piviusut, suliareqqinneqanngitsut, ikittuinnaat eqqaassanngikkaanni, ilinniartitsissutip kulturimut tunngasortaaniq aallaaveqartussat imaluunniit taakkununnga atassuserneqarsinnaasut.

3.3 Illassutitut ilinniakkat

Ilinniartut taamaallaat pingarnertut ilinniakkat atorlugit ilikkagassatigut anguniakkat angusinnaassanngilaat.

Illassutitut ilinniakkani pingarnertut ilinniakkat takussutissinneqassapput itisilerneqarlutillu ilinniartitsissumilu anguniakkat naapertorlugit ilinniartut ilinniakkani paasisaat annertusineqassalluni. Illassutitut ilinniakkani ilaapput oqaasertat oqariartaatsillu allat tuluttut oqaaseqarfiusunit tuluttullu ilinniakkani ilinniartitsissutinit allanit aallaaveqartut. Tuluttut oqaasertat atuakkiortunit tuluttut oqaaseqanngitsunit allanneqarnikutilaitigut ilaapput. Aammattaaq ilassutitut ilinniakkani pingarnertut ilinniakkat atorlugit Kalaallit Nunaanni nunallu tamat akornanni pissutsinik sapinngisamik annertunerpaamik takussutitsisiisinhaassallutik.

Illassutitut ilinniakkanik toqqaanermi ilinniakkap sammiviatus toqqagaq annertuumik apeqquaassaaq. Ilinniakkat sammivianni niuernermi tuluttut ilinniartitsineremi niuernermik annertuumik ilassuteqassapput, tassungalu peqatigitillugu atuakkiat inuiaqatigiillu pillugit sammisat isiginiarneqassallutik. Ilinniakkat sammivianni teknologiimi ilassutitut ilinniakkat tekniki pinngortitamillu ilisimatusarneq pillugu sammisanut attuumassuteqassapput, ilinniartut taamaalillutik teknologiimi pinngortitamillu ilisimatusarnermi taaguutinik pilersitseraatsinillu paasiaqassallutik.

4 Ilinniartitsinerup aaqqissuunneqarnera

4.1 Ilinniartitseriatsimi periutsit

- a) Ilinniartitsineri ilinniartut ilinniakkani qaffasissusiat ilisimasaallu aallaavagineqassapput.
- b) Ilinniartitsineq imatut aaqqissuunneqassaaq ilinniartitsisut ilinniartullu akornani ilikkagaqartarnermi oqaloqatigiittarnerattut sapinngisamik isikkulerlugu.
- c) Ilinniartitsineq imatut aaqqissuunneqassaaq ilinniartitseraatsit assigiinngitsut paarlakaajaanneqassallutik.
- d) Ilinniartitsineq imatut aaqqissuunneqassaaq ilinniartut soqtigisaat pisariaqartitaallu isiginiarneqassallutik, taaamaalilluni ilinniartut ilinniartitsissutip

pissanganartuuneranik, naleqquuntuuneranik soqutiginartuuneranillu misigisaqarnissamut periarfissinneqassallutik.

- e) Ilanniartitsineq imatut aaqqissunneqassaaq ilinniagaqarnerup ingerlanneqarnerini ataasiakkaani sammisanilu ineriertitsinermi ilinniartitsissut siuarifiussalluni, tassa ilinniartitsisummi oqaatsit oqariartaatsillu inerartorfiussallutik, taamaalilluni ilinniartut namminneerlutik sulariaaseqarnissamik ajornakusoortunillu eqqarsartarnissamut piffissap ingerlanerani sungiusarneqassallutik.
- f) Ilinniartitsineq imatut aaqqissunneqassaaq inuiaqatigiinnut avatangiiserisanut annertunerpaamik attuumassuteqalersillugu.

Oqaatsit, oqaasertat kulturilu sulinermi ataatsimoortinneqassapput, taamaalilluni ilinniartut oqariartaatsit, ilinniakkat attaveqaqatigiinnerullu akornanni erseqqrissumik atassuteqartitsisoqarneranik misigisaqassallutik. Tusarnaartarneq, atuartarneq attaveqaqatigiittarnerlu suliarineqassapput, ilinniartullu ataasiakkaat allattarissatigut oqaluttarissatigullu oqaatsitigut inerartornerat oqaasiliortarnerallu salliutinneqassallutik. Sulinermi oqaatsit tassaapput tuluttut oqaatsit.

4.2 Suleriaatsit

Ilanniartitsisummik suliaqarnermi ilinniartitsisummi pingaarnertut ilinniakkat ilassutitullu ilinniakkat aallaavigalugit sammisanut arfineq marlunniit qulinut aaqqissunneqassaaq. Pingaarnertut ilinniakkankuluk suliaqarnermi oqaasertat atuakkianeersut atuakkianeersuunngitsullu suliareqqaarneqarsimassangillat Tuluillu Nunaanneersuussallutik. Holdini killifimminttu qaffassaasuni (B-miit A-mut) killiffik A aaqqissunneqassaaq, ilikkagassat annertussusaat itisilerinissarlu piviusunngortikkumallugit minnerpaamik qulequttat tallimat ilaatinneqassapput.

Ilanniartitsisummi sulineq periutsillu atorneqartut assigiinngiiaartinneqassapput toqqarneqarlillu, taamaalilluni ilikkagaqartarnermi anguniakkat taperserneqassallutik. Suleriaatsimik toqqaaneq pisuni tamani assigiinngiiaartitsinermik siuariartortitsinermillu periutsimik tunngaveqassaaq. Taamaammat ilinniartitsineq suleriaatsillu ilinniartitsisunit aquunneqarnerusut taarseriartuaarneqassapput ilinniartitsinermik suleriaatsinillu ilinniartunik nammineertitsinerusunik oqartussaaqataatitsinerusunik akisussaaqataatitsinerusunullu..

Ilinniartitseriaaseq ilinniakkat imarisaannut tunngatillugu assigiinngiiaartinneqassaaq, ilikkagassatullu anguniakkanut naleqqussarneqassalluni, taamaalilluni atuagarsorluni, sulilluni misileraallunilu sulineq isiginiarneqassallutik. Ilinniartut assigiinngiiaarnerat, ilikkaraqariaasiat pisariaqartitaallu annertuumik isiginiarneqassapput, ilinniartitseriaatsillu ilinniartut oqaatsinik ilinniarterannik, qisuriartarnerannik ajornakusoortunillu eqqarsaasinnaanerannik siuariartortitsisut isiginiarneqassallutik.

Ilinniartitsissummi allattariarsorluni sulineq imatut aaqqissuunneqassaaq oqaasertanik sammisanillu sulinermut tapersiutaassalluni oqaatsinillu ilikkagaqartarnermut tapersiutaassalluni. Allattariarsorluni sulineq immikkut suliatut aamma ilanngunneqassaaq imatullu aaqqissuunneqassalluni ilinniartut tuluit oqaasiinik nammineerlutik saqqumiisinnaanerat aammal郁 tuluttut ersarissumik, assigiinngiaartumik eqqortumillu oqalussinnaanerat siuariartortinneqassallutik. Allattariarsorluni saqqumiisinnaanermik ilinniartitsineq imatut aaqqissuunneqassaaq, ilinniartut naliliiffigineqarlutik nalunaarfingineqarnertik tunngavigalugu namminneq allataminnek naqqissuisinnaanissaannik sungiusarneqarlutik. Ilinniartitsinermi allalluni sulinerup ingerlasarnera, allariaatsit siunertamut naapertuuttut ilanngullugit, aamma suliaq naammassisaaq taassumalu pitsaassusai suliarineqassapput. Allalluni suliat ilinniartumut naliliisummik kalerriutigineqarneranni, ilinniartup qanoq pitsanguisinnaaneranut erseqqisumik innersuussuteqartoqartassaaq.

4.3 It

Ilinniartut aallaqqaataaniilli it atorlugu suleriaatsinik ilinniartinneqassapput. It ilinniartitsinermut ilaavoq, aamma allalluni oqaluttariarsorlunilu attaveqatigiinnermut paasissutissiinermullu, paasissutissanik ujarlernermut aamma oqaatsitigut pisinnaasat inerisarnerannut misilerarnerannullu ikorfartuutit atorneqassalluni. Oqaatsinik suliaqarnerup, It-p aamma suleriaatsit aaqqissuunnerat imminnut ataqtigiinnerat ataatsimoortutut isagineqassaaq.

Ilinniartut atortussanik ilinniartitsissummut naapertuuttunik apersuusersuisumik ujarlernermik, immikkoortiterinermik toqqaanissamik paasissutissiinissamillu pisinnaasaat inerisarneqassaaq. Ilinniartut tusagassiissutit digitaliusut attaveqatigiinnermut pingaaruteqassusiat ilisimasaqarfigilissavaat, tassunakkut nunarsuaq tamakkerlugu aamma digitaliusumik ataatsimooqatigiiffinnut akisussaassuseqarlutik, apersuusersuillutik pissuserissaarnissamillu mianerinnillutik peqataasinnaaleqqullugit

4.4 Ilinniartitsissummi oqaatsit

Ilinniartitsineq imatut aaqqissuunneqassaaq ilinniartut ilinniartitsissumi oqaatsinik aammal郁 ilinniartitsissummi oqariaatsinik paasinnittarnerat atuisarnerallu aaqqissuussamik ineriarternneqarluni. Ilinniartitsineq imatut aaqqissuunneqassaaq ilinniartitsissutit siulianni oqaatsinik oqariaatsinillu ilinniartut piffissap ingerlanerani paasinnilluarsinnaatikkiartortillugit atuisinnaalluartikkiartortillugillu.

4.5. Ilinniartitsissutinut allanut atassuteqartitsineq

Ilinniartitsineq imatut aaqqissuunneqassaaq piffissat ilaanni ilinniartitsissutit akornanni suliaqartoqartarluni ilinniartitsissutinilu ilisimasaqarfiuersunut sanilliutitsilluni. Ilinniartut tuluttut ilinniakkat ilaannik pissarsisarnermikkut ingerlatitseqqiisarnermikkullu oqaatsinik oqaluttariarsorluni allattariarsorlunilu atuisinnaaneq attuumassuteqarnermi tassani annertusassavaat. Tuluttoorneq ilinniartitsissummi ilinniakkat pingarnerit ilassummillu

ilinniakkat aallaavigalugit ilinniartitsissummi ilianniakkat imarisaannik atussuteqartitsinermi suliarineqartussanik takussutissiinissamut paasinarsaanissamullu tapersiissaq.

5. Nalilersuineq

5.1. Ingerlaavartumik nalilersuisarneq

Ilinniartut iliartitsissutini killiffii aallaqqaasiullugu misissuineq atorlugu nalersorneqassapput, ilinniarnerullu ingerlanerani misilitsinnernik malitseqartinneqassalluni. Sammisat ataasiakkaat naammassereerneranni nalilersuisoqartassaaq, taamaalilluni ilinniartut ataasiakkaat ilinniartitsissutini killiffiup qaffassisusianik ineriantornermillu ersarissumik paasisaqassallutik, taamaalillunilu ilinniartitsinermi pissarsiat ataasiakkaarluni ataatsimullu qisuarialeqarnikkut annertusarneqassallutik. Ilinniartut ilinniartitsissummi ineriantornermik naliliinissamut sakkussaqarniassammata aammattaaq imminut nalilersorniarluni misilitsittoqartassaaq. Nalilersuinermi ilikkagassatut anguniakkat tunngaviussapput.

5.2. Misilitseriaatsit

Allattariarsorluni oqaluttariarsorlunilu misilitsittoqartassaaq.

Allattariarsorluni misilitsinnej

Allattariarsorluni militsinnernut tunngaviit marlunnut avinneqarput, tassanilu suliassat qitiusumiit suliakkiissutigineqartassapput. Suliassat tamarmik misilitsinnerup aallartinnerani tunniunneqassapput. Misilitsinnej 5 tiiminik siviusussuseqarpoq.

Suliassat immikkoortuanni siullermi atortut ikuuitit atorneqassanngillat. 1 tiimip qaangiunnerani suliassat immikkoortuanni siullermi akissutit katersorneqassapput.

Suliassat immikkoortuisa aappaanni ilinniartut toqqarsinnaavaat eqimattakkaarlutik kisimiillutilluunniit piareersarniarnerlutik. Eqimattakkaarluni piareersarnermi suliassat oqallisigineqassapput, allattusoqarsinnaavorlu. Tamatuma kingorna soraarummeertussat suliassaq ataasiakkaarlutik akissavavaat ataqtigiiissumik allallutik saqqummiinermikkut.

Ogaluttariarsorluni misilitsinnej

Klassini ataasiakkaani militseriaatsit marluk ataaniittut akornanni ilinniarfiit toqqaassapput:

Misilitseriaaseq a

Ogaluttariarsorluni misilitsinnermi oqaasertat ilisimaneqartut atorlugit suliassat ilinniartut quleqautaasa ilaannut ataatsimut sammisamikkut attaveqartut tunngaviussapput. Misilitsinnermi atortussat, annertussuseqassapput quppernernik nalinginnaasunik 3-4-nik imaluunniit immiussatut tusarnaerneqartutut 9-12- minutsinik sivisussuseqartutut taakkuluunniit akuleriisinnerisut. Misilitsinnermi ilaapput saqqummiineq, oqaloqatigiinnej, oqaaseqatigiinnek paasinninneq atassuteqartitsinerlu.

Piareersarnissamut 60 minutsit missaanni piffissaliisoqassaaq, soraarummeertumullu ataatsimut soraarummeerneq 30 minutsit missaanni sivisussusseqassaaq.

Misilitseriaaseq b

Oqaluttariarsorluni misilitsinnermi oqaasertat ilisimaneqatsit atorlugit suliassat tunngaviussapput, annertussuseqassallutillu sammisanut ilinniarsimasanut ataatsimut atasut atorlugit quppernerit nalinginnaasut 10-15 missaanni. Misilitsinnermi ilaapput saqqummiineq, oqaloqatigiinneq, oqaaseqatigiinnik paasinninneq atassuteqartitsinerlu.

Piareersarnissamut 24 tiimit missaanni piffissaliisoqassaaq 24 tiiminilli sivikinnerunngitsumik, soraarummeertumullu ataatsimut soraarummeerneq 30 minutsit missaanni sivisussusseqassaaq.

Qupperneq nalinginnaasoq allaatigisanut tunngatillugu tassaavoq qupperneq naqinnernik akunnequsikanik 2400-nik imaqartoq, taallanut dramamullu tunngatillugu titarnerit 30-t, elektroniskimik tusagassiissutitigut atortunut tunngatillugu minutsit pingasut.

Qulequttat misilitsinnermut tunngavissanut ilaasut, ataatsimoorlutik ilinniartitsissummi ilikkagassatut anguniagassat matussusissavaat.

5.3 Naliliinermi tunngaviit

Soraarummeertut suliaqarnerminni ilikkagassatut siunertanik qanoq malinnitsiginersut nalilersuinermi nalilerneqassaaq.

Allattarissanik misilitsinnermi soraarummeertup tuluit oqaasiinik atuisinnaanerani, suliakkiissutigineqartunik paasinnissinnaanera tuluttullu allattariarsorluni saqqummiinermi piginnaasai pingaartinneqassapput. Akissut tamarmiusummik ataatsimut naliliinikkut karakteriliisoqassaaq.

Oqaluttariarsorluni misilitsinnermi soraarummeertup kukkuneqanngitsumik eqqortumillu tuluttoorsinnaanera, nalilersuisinnnaanera, oqaaseqatigiinnik siumut ilisimanngisanik nassuaasiorsinnaanera atassuteqaateqartitsisinnaaneralu aammalu sammisami ilinniakkamik suliaqarnermi ilisimaligai pingaartinneqassapput. Aammattaaq nammineq isummaminik tunngavilersuutiminillu ingerlatitseqqiisinnaanera pingaartinneqassaaq. Soraarummeertup saqqummiineranik ataatsimut nalilersuineq tunngavigalugu karakteriliisoqassaaq.